

मेवास्यामेतद्वैश्वानरं रेतो भूतं सिञ्चति सा समम्बिला स्यात्तस्योक्तो बन्धुः
 ॥४१॥ अथैनां विमुञ्चति । अप्रदाहाय यदि युक्तं न विमुच्यते प्र तद्वक्ष्यत एत-
 द्वा एतद्युक्ता रेतोऽभार्षीदेतमग्निं तमत्राजीजनदथापरं धत्ते योषा वाऽउखा त-
 स्माद्यदा योषा पूर्वं रेतः प्रजनयत्यथापरं धत्ते ॥४२॥ मातेव पुत्रं पृथिवी पुरी-
 ष्यमिति । मातेव पुत्रं पृथिवी पशव्यमित्येतदग्निं स्वे योनावभारुषेत्यग्निं स्वे
 योनावभार्षीडुषेत्येतत्तां विश्वेर्देवैर्ऋतुभिः संविदानः प्रजापतिर्विश्वकर्मा विमुञ्च-
 वित्यृतवो वै विश्वे देवास्तदेनां विश्वेर्देवैर्ऋतुभिः संविदानः प्रजापतिर्विश्वकर्मा
 विमुञ्चति तामुत्तरतोऽग्नेर्निदधात्यरन्निमात्रे तस्योक्तो बन्धुः ॥४३॥ अथास्यां पय-
 आनयति । एतद्वा एतद्वेतो धत्तेऽथ पयो धत्ते योषा वाऽउखा तस्माद्यदा योषा
 रेतो धत्तेऽथ पयो धत्तेऽधराः सिकता भवत्युत्तरं पयोऽधरं हि रेत उत्तरं प-
 यस्तन्मध्यऽआनयति यथा तत्प्रति पुरुषशीर्षमुपदध्यात् ॥४४॥ ब्राह्मणम् ॥ १ ॥

प्रजापतिः प्रजा असृजत । स प्रजाः सृष्ट्वा सर्वमाजिमित्रा व्यस्रजसत तस्माद्वि-
 सस्तात्प्राणो मध्यत उदक्रामद्यस्माद्वीर्यमुदक्रामत्तस्मिन्नुत्क्रान्तेऽपद्यत तस्मात्पन्ना-
 दन्नमस्रवद्यच्चक्षुरध्यशेत तस्मादस्यान्नमस्रवन्नो हेह तर्हि का चन प्रतिष्ठास ॥१॥
 ते देवा अब्रुवन् । न वाऽइतोऽन्या प्रतिष्ठास्तीममेव पितरं प्रजापतिं संस्कर-
 वाम सैव नः प्रतिष्ठा भविष्यतीति ॥२॥ तेऽग्निमब्रुवन् । न वाऽइतोऽन्या प्र-
 तिष्ठास्ति त्वयीमं पितरं प्रजापतिं संस्करवाम सैव नः प्रतिष्ठा भविष्यतीति किं
 मे ततो भविष्यतीति ॥३॥ तेऽब्रुवन् । अन्नं वाऽअयं प्रजापतिस्त्वन्मुखा एतदन्न-
 मदाम त्वन्मुखानां न एषोऽन्नमसदिति तथेति तस्माद्देवा अग्निमुखा अन्नमदन्ति
 यस्यै हि कस्यै च देवतायै जुह्वत्यग्नाविव जुह्वत्यग्निमुखा हि तद्देवा अन्नमकुर्वत
 ॥४॥ स योऽस्मात्प्राणो मध्यत उदक्रामत् । अयमेव स वायुर्योऽयं पवतेऽथ य-
 दस्माद्वीर्यमुदक्रामदसौ स आदित्योऽथ यदस्मादन्नमस्रवद्यदेव संवत्सरेऽन्नं तत्तत्